

Autodeterminazioa aldarri

ARRAZAKERIAREN AURKAKO FORO ALTERNATIBOA. Gobernuz Kanpoko Erakundeetako milaka kide bildu dira egunotan Hegoafrikan arrazakeriaz jarduteko

Garbiñe Olaizola | DONOSTIA

Autodeterminazio eskubidea gai nagusietakoa bilakatu da Durbanen (Hegoafrika) Gobernuz Kanpoko Erakundeak egiten ari diren foroan. Bihar amaituko den bilkura, Nazio Batuen Erakundeak (NBE) Hegoafrikako kostaldeko hiri horretan bertan gaurtik irailaren 7ra antolatu duen Arrazakeria, Xenofobia eta Intolerantziaren Nazioarteko III. Konferentziaren alternatiba gisa planteatu da. Foro alternatibo horren lekuko zuzenak dira Euskal Herriko bi ordezkari: Koldo Gorostiaga Batasuneko europarlamentaria eta Urko Aiartza Giza Eskubideen Ligako kidea.

Konferentzia ofizialari begira NBEk prestatu duen oinarritzko txostenean autodeterminazio eskubideak bere tarte du, 27. artikuluan, hain zuzen. Dena den, Gobernuz Kanpoko Erakundeek atzerapausotzat jo dute. Izan ere, «bereizketa bat egiten da esaten denean eskubide hori herri batzuentzat dela eta ez besteentzat», nabarmendu zion Koldo Gorostiagak EGUNKARIARI. Bereizketa hori, baina, aho batez baztertu zuten Durbanen bildutakoek.

«Artikulu horren arabera, herri guztiak berdina dira, baina autodeterminazioari dagokionez ez. Gauza bera da esatea gizon-emakume guztiak berdina direla, baina zuriekin alderatuz beltzak ez direla berdina», azaldu zuen Gorostiagak.

«Argi gelditu da artikulu horrek desagertu behar duela. Nola liteke arrazismoaren kontrako txosten batean, NBERen arrazismoaren aldeko adierazpen ikaragarriak egotea?», ondorioztatu zuen Gorostiagak. Izan ere, bere aburuz, «herri batzuk besteetatik bereizten baditugu, hor arrazismo hutsa dago».

«Horren atzean dagoen filosofia da —Gorostiagak adierazi zuenez— esatea eskubide hori nahi duenak, bakoitzak bere Estatuarekin egin behar duela».

7.000 partaide

Durbanen egiten ari den foroan mundu osoko Gobernuz Kanpoko Erakundeetako 7.000 lagun bildu dira. Esklabutza, arrazakeria, autodeterminazio eskubidea, sionismoa eta kolonialismoa bezalako gaiak darabiltzate bueltaka partaideek. Kontinente guztiak daude orkezkatzuta eta izaera ezberdineko herrialdeen presentzia na-



Lurrik gabeko mugimenduko kideak NBEko goi bileraren kontrako protestan.

MANIFESTAZIOA

Errebindikazio ugarik lekua izango dute mobilizazio erraldoian

Foru alternatiboari amaiera emateko manifestazio bat antolatu dute partaideek biharko. Manifestazioan 50.000 pertsonak parte hartuko dutela uste dute Hego Afrikako agintariek. Jada, Gobernuz kanpoko hogeita bat erakundek baimena jaso dute Durbango kaleetatik hainbat motatako martxak egiteko. Era guztietako erre-

bindikazioek izango dute lekua manifestazioan. Israelgo okupazioaren aurka arituko dira batzuk, Tibeten independentziaren alde beste batzuk. Gatazka armatuen amaiera, emakumearen berdintasuna, lan eskubideak eta aldarrikapen politikoak nahastuko dira.

Nazio Batuen Erakundearen goi bilerak irauten duen bitartean, 3.000 polizia babestuko dituzte bisitariak, horien artean, 30 estatuburu. Poliziaren presentzia nabaria izango da eta Konferentzien Nazioarteko Aretoa eta kirolen pabiloia —bertan egingo dira konferentziak— babesteaz gain, hoteletan eta aireportuan barreiatuko dira.

baria da egunotan: Laponia, India, Txetxenia, Nepal eta Ekua-dor, batzuk aipatzearen.

«Munduan Gobernuz Kanpoko Erakundeak indarra hartzen eta mugitzen ari direla ikustea oso inportantea da. Herri guztietatik etorri diren mugimenduek izugarritzko bizia dute», azaldu zuen Gorostiagak. «Gizarte zibila ez dagoela hilda», erakusten du horrek, Batasuneko europarlamentarioaren iritziz. Eta, aldiz, «estatuen mailan planteatzen diren ekimenak gezoz eta onarpen gutxiago dituzte», azaldu zuen. «Interesgarria

da hemen egotea eta horren lekuko izatea. Batez ere Euskal Herriaren ikuspegitik eztabaibatzen diren gaiak guztiz oinarrituko dira», gaineratu zuen.

Bisitari ospetsuak

Kofi Annan NBEko idazkari nagusiak eta Winnie Mandela bezalako jende ospetsuak zuzenean parte hartu dute eztabaida guneetan. Horietako batean, Mary Robinson NBEko Giza Eskubideen zuzendariaren hitzek harrera ezin beroagoa jaso zuten. «Hemen lekua eman behar

zaie ijitoi, palestinarrei, afrikarren ondorengoei eta ukiezi-nei», azpimarratu zuen Robinsonek.

Hego Afrikako presidente Thabo Mbeki «konpromiso estimagarria» eskatu zien herrialdeei eta «esklabotza, kolonialismo eta arrazismoaren herentziarekin amaitzeko neurriak» hartzeko galdegin zuen.

NBEk antolatutako goi bilera «salatzeaz» gain, eztabaida «bi-ziak» sustatu dira egunotan. Amaitzeko, arrazismoari buruzko txosten bat egingo dute partaideek.

ELKARRI

Gemma Zabaletak konferentzian parte hartzeko «interesa eta asmoa» azaldu du

Erredakzioa | DONOSTIA

Gemma Zabaletak, PSE-EEko idazkari instituzionalak, Elkarri-k antolatu duen Bake Konferentzian parte hartzeko «interesa eta asmoa» duela jakinarazi zuen atzo.

Elkarri-k, elkarriketa eta adostasunaren aldeko mugimendu sozialak, antolatu duen konferentzian izango dela adierazi zuen horrela Zabaletak. PSEko idazkari nagusi Nicolas Redondo Terrerosek eta Jesus Egiguren idazkariordeak Elkarri-ko arduradunekin bilera bat egin zuten bake konferentziaren helburuak ezagutzeko. Bileraren ostean, PSEk afiliatu guztiei konferentzian parte hartzeko baimena eman zien. Konferentzia horrek bakea lortzeko gutxieneko adostasuna lortzea du xede, eta gizartearen parte-hartzea bultzatu nahi du eztabaidagune, seminario eta foroetan.

EUSKAL PRESOK

Carlos Larrañaga aske utzi dute hamar urte eta erdi kartzelan egin ostean

Erredakzioa | DONOSTIA

Carlos Larrañaga preso debarra (Gipuzkoa) atzo atera zen Ourenseko espetxetik, hamar urte eta sei hilabeteko zigorra bete ondoren. Hiru laurdenak 1998an bete zituen arren, ez zuten atzo arte askatu, Amnistiaren Aldeko Batzordeek salatu dutenez.

1991ko otsailaren 9an atxilotu zuen Espainiako Poliziak, eta bost egunez inkomunikatuta izan zuten. Carabanchel, Valdemoro, Valentzia III eta Ourenseko espetxeetan egon da. Carlos Larrañaga atzo goizaldean irten zen Ourenseko kartzelatik, eta lehenengo harrera atzo egin zioten Debako plazan, gaueko 20:00etan. Ekitaldi politikoa, berriz, irailaren 8an izango da, larunbatarekin, hori ere Debako plazan.